

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na 15. Sjednici Predstavničkog doma, održanoj 8. decembra 2011. godine, i na 8. sjednici Doma naroda, održanoj 21. decembra 2011. godine, usvojila je

**ZAKON
O IZMJENAMA I DOPUNAMA ZAKONA O
JEDINSTVENOM MATIČNOM BROJU**

Član 1.

U Zakonu o jedinstvenom matičnom broju ("Službeni glasnik BiH", br. 32/01 i 63/08), član 1. stav 2. mijenja se i glasi:

"Postupak obrade podataka iz ovog zakona vrši se u skladu sa Zakonom o zaštiti ličnih podataka ("Službeni glasnik BiH", broj 49/06) i Zakonom o Agenciji za identifikacione dokumente, evidenciju i razmjenu podataka Bosne i Hercegovine ("Službeni glasnik BiH", broj 56/08), "(u daljnjem tekstu: Zakona o Agenciji)".

Član 2.

U članu 18. stav 2. mijenja se i glasi:

"Propis o načinu obrade JMB u evidencijama i javnim ispravama iz prethodnog stava donosi organ koji je zakonom određen da donosi propise o vođenju tih evidencija i izdavanju javnih isprava."

Član 3.

U članu 21. stav 1. mijenja se i glasi:

"Agencija za identifikacione dokumente, evidenciju i razmjenu podataka BiH (u daljnjem tekstu: Agencija), u skladu sa Zakonom o Agenciji, putem elektronske obrade podataka vodi i održava centralnu evidenciju JMB (u daljnjem tekstu: centralna evidencija)."

Član 4.

U članu 23. u st. 1. i 2. riječ "MCP" zamjenjuje se riječju "Agencija".

Član 5.

U članu 25. stav 2. riječi: "propisa kojim je reguliran boravak stranaca u BiH" zamjenjuju se riječima: "Zakonom o kretanju i boravku stranaca i azilu ("Službeni glasnik BiH", broj 36/08)".

Član 6.

Iza člana 26. dodaje se novi član 26a. koji glasi:

"Član 26a.

Državljanin može podnijeti zahtjev za izdavanje uvjerenja o činjenicama iz evidencija elektronskim putem preko portala nadležnih organa iz člana 3. ovog zakona sa sigurnim elektronskim potpisom ovjerenim kvalificiranom potvrdom koju izdaje Agencija shodno Zakonu o Agenciji, a nadležni organ traženo uvjerenje može dostaviti elektronskim ili pismenim putem kako to stranka u svom zahtjevu navede.

Nadležni organ će rješenjem odbiti zahtjev za izdavanje uvjerenja ako utvrdi da elektronski potpis nije u skladu sa zakonskim uslovima.

Agencija pruža tehničku podršku nadležnim organima iz člana 3. Zakona u vršenju aktivnosti iz stava 1. ovog člana, o čemu donosi posebno uputstvo. Na ovaj način mogu se tražiti samo uvjerenja oslobođena od plaćanja takse".

Član 7.

Član 27. mijenja se i glasi:

"Član 27.

Agencija i nadležni organi obavezni su da preduzmu odgovarajuće mjere osiguranja radi zaštite svih podataka sadržanih u centralnoj, entitetskoj i lokalnoj evidenciji i svih podataka koji se prenose drugim ovlaštenim organima u skladu sa Zakonom o Agenciji".

Član 8.

U članu 30. stav 1. tačka 2. riječi: "Zakonom o imigraciji izlazu BiH" zamjenjuju se riječima: "Zakonom o kretanju i boravku stranaca i azilu".

Član 9.

U članu 55. iza stava 2. dodaje se novi stav 3. koji glasi:

"U roku od 90 dana od dana objavljivanja ovog zakona u "Službenom glasniku BiH" Agencija donosi podzakonski akt iz člana 26a. ovog zakona."

Član 10.

Ovaj zakon stupa na snagu osmog dana od dana objavljivanja u "Službenom glasniku BiH".

Broj 01,02-02-7-55/10
21. decembra 2011. godine
Sarajevo

Predsjedavajući
Predstavničkog doma
Parlamentarne skupštine BiH
Dr. **Denis Bećirović**, s. r.

Predsjedavajući
Doma naroda
Parlamentarne skupštine BiH
Ognjen Tadić, s. r.